


IÑAKI EIZMENDI  
"BASARRI"

# Laugarren Txinpartak



AUSPOA LIBURUTEGIA

# Laugarren Txinpartak

AUSPOA LIBURUTEGIA

55

---

### **COLECCION AUSPOA**

Administración: **Plaza de Santa María, 2 - Tolosa**  
**(Guipúzcoa-España) Tel. 661612**

Dirección literaria: **Rvdo. P. Antonio Zavala, S.J.**  
**Estudios Universitarios - Mundaiz - San Sebastián**

Ordaindu bearrak:

Urte betekoa: 280 pezeta    Atzerrian: 380 pezeta  
Ongilleak: 500    "    Ale bakarra: 35    "

IÑAKI EIZMENDI  
"BASARRI"

# Laugarren Txinpartak

AUSPOA LIBURUTEGIA  
1966

*Núm. Registro 1036/66*  
*Dep. Legal S. S. 165/66*

## ARKIBIDEA

Itzaurrea ... ..	11
Lenengo Bertsolari-Eguneko Bertsoak ... ..	13
Bertso Berriak Eizmendi'tar Iñaki (Basarri'k) Jarriak: "Milla bederatzireun ogeitabostean..."	18
Tolosa'ri agur ... ..	22
Gazte denboran neska bati ... ..	23
Aiako Arritan ... ..	26
Oiartzun'i Goralmena ... ..	29
Bertso Berriak estropa-gaiz Basarri'k jarriak ...	32
Errezil'ko billera nagusian ... ..	36
Errezil'ko Erretore agurgarri Etxeberria jauna- ri bere urrezko apaiz-ezteietan ... ..	41
Euskal baserriak zer diran ... ..	44
Ernio'ko gurutze santuaren babesean ... ..	47
Izaskun'go Ama ... ..	52
Udazkena ... ..	55
Eiztariak ... ..	58
Txistulariak ... ..	60
Bakoitzari berea ... ..	61
Erne, baserritarrok! ... ..	64
Amaren igoera zerura ... ..	67
Itxasoa aserre ... ..	69
Zer da Arantzazu? ... ..	71
Au pakea al da? ... ..	73
Tolosa'ko neurketa ... ..	77
Oiartzun zarrari kantuz ... ..	82

Elgoibar langilleari ... .. .	85
Azpeiti'ko erriari ... .. .	88
Paris'ko Batzarra ... .. .	91
Pentsatzen asteko ordua ... .. .	94
San Ferminak ... .. .	96
Naparroako anai bertsolariei ... .. .	99
Euskal Pestak? ... .. .	101
Bideetako kontuak ... .. .	103
Iturriotz'ko sega-apustua ... .. .	106
Ederki kostata! ... .. .	108
"Herria" astekariari ... .. .	111
Urte Berria badator! ... .. .	113
"Zeruko Argia" astekariari ... .. .	115
Gezaltza'ko aitona zanari ... .. .	118
Mondragones zanari ... .. .	120
Ikusten diranak ... .. .	125
"Errezill" bertsolaria ... .. .	127
Aita Salvatore Mitxelena zanari ... .. .	129





## ITZAURREA

Ez goaz itzaurre ontan Basarri nor dan esatera. Ez du orren bearrik euskaldun guzi-guziok ezagutzen degun gizonak. Naikoa izango da liburu au zer dan itz bitan adieraztea.

Orain arte, iru liburu argitaratu ditu Basarrik: "Atano III" (1949), "Basarriren Bertso-Sorta" (1950) ta "Kantari nator" (1960). Onako au laugarrena beraz. Orregatik baitaiatu du Basarrik berak "LAUGARREN TXINPARTAK" izenarekin.

Basarri, guziok dakigun bezela, plazako bertsolari ez-ezik, paperetako bertsolari degu, kantuz bat-batetan bertso botatzen bezela, paperetan jartzen ere dakiana.

Plazako bertsoetatik oso bertso gutxi dator liburu ontan: Donostia'n, 1935 urtean, Lenengo Bertsolari-Egunean, lenengo txapela etxeratu zuan artan alegia, kantatu zituan batzuk besterik ez. Baita ere, urte orren bukaeran, Tolosa'n, jendea agurtzeko bota zuana.

Oiek izan ezik, emengo bertso guziak paperetatik jasoak dira. Bertso-paperak, erre-bistak, periodikuak, ta nik al dakit zenbat paper-mota, guziak apaindu izan dira, asko edo gutxi, Basarriren bertsoz. Oietan arkitu ditugunetik osatua da gaurko sorta au.

Esan bear ere degu, liburu ontan datozela Basarrik idatzitako bertsorik zarrenak eta berrienak: zarrenak, 1935 urtean bertso-paper batean argitara eman zituanak; ta berrienak, aurreko illabete auetan *Zeruko Argia*'n idatzi dituanak. Bañan baita bitartekorik ere ez gutxi.

Ta oartu gaitezen, Basarri bertsoan asi zanetik, 31 urte joan dirala. Bañan Basarrirentzat ez da asko *joan* dirala esatea. Basarrik *bete* egin ditu urte oiek guziak euskeraren onerako eten gabeko lan eta burruka latzez. Onako liburu au orren erakusgarri bat izan dedilla.

## LENENGO BERTSOLARI-EGUNEKO BERTSOAK

(1935'ngo Ilbeltzaren 20'an)

1935'ngo Ilbeltzaren 20'an, lenengo "Bertsolari-eguna" ospatu zan Donostia'n, bertsolari-txapelketa bat alegia.

Onako bertsolari auek jardun ziran kantu-lanean: Basarri; Zepai; Txirrita; Txapel, Azpeitia'koa; Lujanbio, Alza'koa; Abarrategi, Bizkaikoa; Tellaetxipi, Errenderia-koa; Nekezabal, Zarautz'koa; Sarasola, "Le-xo", Lezo'n jaioa bañan Donostia'ko Antiguan bizi zana; Mintegi ta Erauskin, biak Ordizia'koak; Kortatxo, Itziar'koa; Larralde ta Matxin, lapurditarrak; Zabaleta Pello ta Juan, anaiak, Errenderia'koak; Sorozabal, ta Etxeberria, Donostia'ko Aiete'koak, eta Uriarte, Bermeo'koa.

Maieko jaunak, onako auek izan ziran: Ariztimuño Jose apaiza, Olano, Alzaga Toribio, Lekuona Manuel apaiza, ta Olaizola.

Basarrik eraman zuan txapela. Egun artan kantatutako bertso guziak, etziran noski ja-

so. Artean ez baitzegoan magnetofonorik. Ala ere, nola edo ala, banaka batzuk pape-  
rera aldatu ziran; baita ere argitaratu,  
urrengo urtean egin zan Bigarren Bertsola-  
ri-Eguneko bertsoekin batera, liburu polit  
batean. Ona emen, liburu ontatik aukeratu-  
ta, Basarrik kantatu zituan zenbait bertso:

Agurra egiterakoan:

Uso zuri bat inguratu zait  
goizean egun-argitzez,  
alaitasuna artxek sortu dit,  
jaun maiteak, bere itzez;  
eta ni orain zuen aurrean  
nazute pozaren pozez,  
lendabiziko, entzule onak,  
agur danori biotzez!

Bertsolariak eman diote  
Txeko-erriari gorantza,  
"Mireio" batek edergallutan  
josia zuan Provenza.  
Ene Jainkoa, egin zaiguzu  
guri bear dan laguntza,  
al dan azkarren sendatu zagun  
gaixo dan euskel izkuntza.

\* \* \*

Ofizioan, Basarrik eta Kortatxok kantatu zuten alkarrekin: Basarri, artzai, ta Kortatxo nekazari. Bertso geiago ere bota omen zuten, bañan onako auek dira aitaturako liburuan gorde diranak:

**Basarrik (artzai):**

Neureak orain aitor nai ditut,  
besteri zertan galdetu?  
urte polita izan degu ta  
ez gera gaizki moldatu.  
Artzai-lanakin ondo nabil ni,  
ezin nezake ukatu,  
mendi-maldetan noiz-nai txistutan,  
noiz-nai bertsoak kantatu...  
mundu onetan zein ote dago  
orain ni bezin kontentu?

**Kortatxok (nekazari):**

Joan dan urtea urte ona zan,  
arto gariak galanki,  
eta etsaien inbiriarik  
nik ezin neike eduki.  
Txistu egiñez egoaldi onez  
artzaia ere ederki,  
alperren martxa dago ortikan,  
ori edozeñek daki...  
negu txarrean mantendutzeko  
saia beazu gogorki.

**Basarrik (artzai):**

Ai, Kortatxori erantzuteko  
ez det nik oso berandu,  
lendikan zintzo joka naiz eta  
damurik ez det izandu.  
Alperren martxa ote daukadan  
orrek alaxe esan du,  
inbiritan bizi zerala  
gauzak ongi ezagun du...  
zeuk ere zerbait eingo zenduke  
komentzirik bazendu.

**Kortatxok (nekazari):**

Astelenean izaten det nik  
nere bizi koxkorrean,  
iñola ezin ibilli ta ni  
oso pauso azkarrean.  
Tabernetara joaten gera ta  
gero illunabarrean,  
geren etxera etorri're bai  
egundoko mozkorrean,  
orduan aitak ipintzen digu  
atxurtxo bat bizkarrean.

**Basarrik (artzai):**

Aguro asko esan dituzu  
nola bat eta bestia,  
tabernarako nola daukazun  
zeure jokera guztia;

aizu, lan asko egitekotan  
oso señaie tristia,  
gaitz izango da atxurrarekin  
zu lanean ikustia...  
kolore oiek egiterako  
etzaude gutxi kostia.

**Kortatxok (nekazari):**


Bizibide bat oraintxen goaz  
geren etxean artzera,  
nekazariak izanikan gu  
gauz onik gutxi etxera.  
Larunbatean tabernara ta  
astelenean gerera,  
nere moduan kanpo aldetik  
ibiltzen baldin bazera,  
zure aitakin asarretuta  
sarritan gertako zera.

## BERTSO BERRIAK


### EIZMENDI'TAR IÑAKI (BASARRI'K) JARRIAK




Mi-lla be-de-ra-tzi-reun o-gei




ta a-ma-bos-te-an a-si naiz bertso ba-tzuk




jar-tze-ko us-te-an e-san-go dut zer



da-gon mun-du za-ba-le-an a-



-rro-ke-ri-a bu-ru gi-zo-nen ar-te-



-an



1/ Milla bederatzieun  
ogeitamabostean,  
asi naiz bertso batzuk  
jartzeko ustean,  
esango dut zer dagon  
mundu zabalean,  
arrokeria buru  
gizonen artean. (*bis*)

2/ Lurralde dena dabil  
olatu nastuan,  
burruka ta zarata  
gabiltzan lekuan;  
gose ta naigabea  
gudaren (1) onduan,  
Jaunaren beldur gabe  
orra zer dagan!

3/ Mundu negargarritik  
gaur zenbat albiste,  
sinismena galdu-ta  
oraiñ milla naste.  
Gizonaren jokera  
au da bataz beste:  
elbi bat aña ez ta  
dana dala uste.

---

(1) gudaren = gerraren (Bertso-paperaren oarra).

4/ Nazioak alkarri  
gudazko jokia,  
izkilluz (2) gañeztu-ta  
alkar galtzekoa;  
gizonen maltzurkeri  
hide-gabekoa,  
ez dute aintzat artzen  
Kriston ordekoa.

5/ Amaikagarren Pio  
"pakea" deituaz,  
aundi-naiko erriak  
beti armatuaz.  
Besteren etxetara  
indarka sartuaz,  
mundua odol-putzu  
jartzera dijuaz.

6/ Ugaldu goi-egazkiñ (3)  
eta itxas-ontziyak,  
gudari dei egiñaz  
korneta biziyak;  
Aita Vitoria eta  
Eleizan egiyak,  
eurena egiñ ezkeru  
or konpon guziyak!

---

(2) izkilluz = armaz (Bertso-paperaren oarra).

(3) goi-egazkiñ = aeroplano (Bertso-paperaren oarra).

7/ Milloi eta milloikak  
armentzat bakarrik,  
agintarien deira  
arretaz jarririk.  
Sasoi duten artean  
ez daukate ikaririk,  
apalduko zerate  
ez zuei eskerrik.

8/ Gure dotriña zarrak  
gorde ziran betiko,  
onek alderdi onik  
ez du ekarriko.  
Kristau ikasbidea  
betezkero trinko,  
mundua ez litzake  
onela ibilliko.

9/ Otoi egiñ dezagun,  
otoi, bai, benetan,  
laño beltzik ez dediñ  
gure mendietan;  
jarrai zagun aurreko  
asaben bidetan,  
pakez bizi gaitezen  
Euskal-errietan. (4)

---

(4) Bertso-papera: "Editorial Itxaropena. — Zarrak". (Felipe de Jausoro, Oñate.)

## TOLOSA'RI AGUR

### 1935 URTEKO AZKEN IGANDEAN

1936 urteko Ilbeltzaren 19'an, "Bigarren Bertsolari-Eguna" ospatu zan Donostia'n. Bañan onera zeintzuk etorri bear zuten jakiteko, beste txapelketa batzuk egin ziran Tolosa'n, Azpeiti'n eta Elizondo'n. Basarrik etzuan urte ontan parterik artu; bertsolari-gidari bezela jardun zan, puntuak eta gaiak emanaz.

Tolosa'n, 1935 urteko azken igandean ain zuzen, bertso au kantatu zuan jendearen gus-toa egiteagatik:

Agur eder bat egin nai nuke  
ta entzun nere abotsa,  
etxe ontara agertutzeko  
etzaitzte izan lotsa;  
alaitasun au nabaitzeakiñ  
nere biotzak au poza!  
gora euskaltzale begikuok,  
gora ta gora Tolosa! (1)


---

(1) "Euzkadi" periodikua, 1936/I/4.


# GAZTE DENBORAN NESKA BATI




Zo-ri-o-ne-an e-ginnu-en nik Sa-ra




e-rri-ra.bi-xi-ta ta txo- ra-tu-rik gel-di-




-tu nin-tzan da-ma-txo bat i-ku-si-ta



Zu go-ral-tze-ko ez-tau-kat i-tzik-o bi-o-



-tze-ko Kla-ri-ta! ain-(t)ze-ra bi-otz i-kui-



-tza-lla-a je-ne! ain (t)ze-ra po-li-ta

ain (t)ze-ra bi-otz i-kui-tza-lla-a; e-ne!

ain (t)ze-ra po-li-ta

1/ Zorionean egin nuen nik  
 Sara errira bixita,  
 ta txoraturik gelditu nintzan  
 damatxo bat ikusita.  
 Zu goraltzeko ez daukat itzik,  
 o biotzeko Klarita,  
 ain zera biotz-ikuitzallea,  
 ene, ain zera polita!

2/ Gorputz liraña, begi argia,  
 irriparra ezpañetan,  
 urretxindorra kantari beziñ  
 alaiia zera izketan.  
 Orren urruti bizi bearrak  
 ez nauka nere onetan,  
 zугan pentsatzen nago ni beti  
 egunez eta gabetan.

3/ Emakumeak lore bezela  
artu ditzagun aurrena,  
ta goazen danok beroiek dauden  
baratzatxoan barrena.  
Danak usaintsu, guri ta mardul,  
au begien zoramena,  
bañan neretzat zu dan-danetan  
krabeliñik ederrena.

4/ Nere begiak arpegi ori  
sarri nai dute aurrean,  
soñez urruti banago ere  
gogoz or nazu urrean.  
Mundu onetan bearko degu  
nork daki zenbait urtean...  
Nik zu gogoan izango zaitut  
arnasa dedan artean.

(1940)  
**AIAKO ARRITAN**




O-yar-tzun-go nes-ka-ti-llak



mu-xu-go-rrri bi-ri-bi-llak i-zan zai-ter-ter



a-bi-llak la-ran-la-la la-ran-la-lai



O-yar-tzun-lai. Zer-tan mai-te-tzen di-tu-



-zu-te ka-le-ko u-me zir-tzi-llak? A-txu-kei'n



dau-de tran-ki-llak, sal-tze-ko dau-den o-pi-





-llak, pa-re-ga-be-ko mu-ti-llak la-ran-la la la



la la la-ran-la la-la-la-lal pa-re-ga-be-ko mu-ti-llak

1/ Nork egin du gure galde?

Aiako Arritan gaude,

baña beti bezin trebe...

lanean gogoz aritzen gera

soldatarik jaso gabe,

berreun nagusi badaude

gure artaldean jabe...

guk umore ona alare!

2/ Otz-aldi eta goseak

ta barau egun luzeak

guk baditugu paseak;

gorputzari on egiten nunbait

gallur ontako aizeak,

nola baigeran gazteak,

sano dauzkagu esteak,

ez egonarren beteak.

3/ Goizean ekin lanari,  
egunsentian pozgarri,  
txori guziak kantari;  
eziñ atera gentzake orain  
iñoiz adinbat izardi,  
erdietan gaude geldi,  
al degunean exeri...  
zertan nekatu geiegi?

4/ Oiartzungo neskatillak,  
muxu-gorri biribillak,  
izan zaitezte abillak;  
zertan maitatzen dituzute  
kaleko ume zirtzillak,  
Aitxulei'n daude trankillak (1)  
saltzeko dauden opillak,  
pare gabeko mutillak. (2)

---


(1) Aitxulei edo Aritxulegi, Oiartzun eta Lesaka bitarteko mendi-lepo bat da.

(2) Lendabizi, Oiartzun'go Patxi Labandibar'ek emanak, eta gero Basarrik berak bazkal-ondo batean kantatu zuan bezelaxe kopiatuak.

## OIARTZUN'I GORALPENA

Doñu ontaz puntu luzeko edozein amarreko  
kanta diteke.





Oiartzungo Gurutze'n, bazkalondo batean,  
kantatuak, 1942/12/2'an.

- I/ Gure barrenak gaur sentitzen du  
eztakit zenbat poztasun,  
denok txoratzen arkitzen gera  
ta ez al degu ezagun?  
Zorionean ezagutua  
egun batez guk Oiartzun,  
bertsolari on, maitagarriak,  
zuek nai zaituztet lagun,  
kabitxo kutun zoragarri au  
pixkat goraldtu dezagun!

- 2/ Mendi lerdenak alde guzitik;  
 erdian dago gaxoa,  
 zelai baratzez inguraturik  
 parrez dagon erritxoa;  
 sagasti denak lorez jantzirik,  
 marmarka errekatxoa,  
 aize otxanak emen dakarki  
 lilien usai goxoa...  
 oiartzuarrak, poztu zaitezte,  
 auxen da paradisoa!
- 3/ Gau paketsutan kiñuka dabiltz  
 goi artako izar denak,  
 maindire zuriz bilduta Oiartzun  
 lotan ikusten dutenak.  
 Zuentzat dira berak dituzten  
 argirik diztikorrenak,  
 zuentzat udaberri goizetan  
 zeruko intzik fiñenak,  
 Jaunari eskerrak emaitzatzute  
 emen jaio ziñatenak.
- 4/ Bein ezagutu zindutan eta  
 geroztik zaitut maitea,  
 neretzat ain gauz pozgarria da  
 lur eder au zapaltzea.  
 Ainbat gizon on eta jakintsuk  
 izan duten aterpea,  
 Mendiburu'ren kabi goxo au  
 bego dirdiraz betea,  
 gizaldietan izan dezala  
 zoriona ta pakea! (1)

---

(1) Oiartzun'go Ugaldetxo'ko Larria baserriko Patxi Labandibar'en eskuz idatzitako paper-punta batetik kopiatuak.

**BERTSO BERRIAK**  
**ESTROPA-GAIZ BASARRIK**  
**JARRIAK**

Doñua: "Mutil koskor bat..."

- 1/ Milla ta bederatzireunetan  
berrogei ta laugarrena,  
Kantauriako itxas-ertzetan  
aztu ezin litekena;  
betiko penaz geldi liteke  
joaterikan etzuenan,  
sei ontzi bizkor leia bizian  
bata bestean urrena,  
gure begiak ikusi duten  
arraun-jairik ederrena.
  
- 2/ Ain gazte jende sendo, zaildua,  
indartsu bezin liraña,  
nolako txanpa beldurgarriak,  
ura arraunketa bikaña!  
Testigu ortxe gelditutzen da  
Donostiko itxas-gaña,  
urrezko letraz moldetu leizke,  
merezi dute, alajaña!,  
bi Pasai, Ondarrabi, Orio,  
Donosti eta Pedreña.

3/ Lendabiziko neurketa izan zan  
Agorraren amarrean,  
gure itxasoa etzan arkitzen  
oso era zakarrean;  
mugitzen zanik etzirudian,  
baretasun ederrean;  
ura jokoa ta estuasuna!  
danak alkarren urrean...  
bein bear eta Oriotarrak  
beste guzien aurrean.

4/ Bizkor asi ta bizkor bukatu,  
an etzan iñor makaldu,  
joko guzitan gertatzen dana:  
norbaitek bear zun galdu;  
ta bakoitzari berea eman,  
zertako temari eldu?  
langille onak bere soldata  
irabazia ez al du?  
guziak onak izanagatik  
batek onena bear du.

5/ Arraunlariak jokatu ziran  
asmo zuzenez beterik,  
aien burutan etzegon ezer  
al zana egin besterik;  
askok diote an ez ote zan  
amairu seundon alderik,  
maiko juezak nastu litezke,  
ortan ez dago dudarik,  
ala izan arren mutil on aiek  
bai al zeukaten kulparik?

- 6/ Uretan garbi erabaki zan  
ontzi arteko burruka,  
gero etzegon kalerik kale  
zertan ibili muturka;  
ainbat eta ainbat nabaitu giñun  
karraxika ta ujuka,  
urte ontako txapeldunari  
*fuera*'ka eta txistuka,  
gauz ori ontzat artzen duanak  
gizatasunik eztauka.
- 7/ Galdu-irabazi, lagun bear du  
alkarri esku emanda,  
gure aurreko guraso zarrak  
ala gelditzen ziran da;  
itxusi baitzan ainbat naspilla  
Donostiraño juanda,  
nik beintzat asko sufritu nuan  
begira egon nintzan da,  
alkar jan naian ala ibiltzea  
danok anaiak izanda!
- 8/ Gora San Juan! gora Ondarrabi!  
biotz on oiek alaitu!  
egin dezuten lan eder orrek  
guziok poztu baigaitu.  
Gora Pedreña! gora Donosti!  
aurrera gogoz jarraitu,  
ta San Pedrotar bikain trebeak  
aurten bigarren gelditu,  
aita Manuel jator leialak  
ondorengoak baditu.



- 9/ Oriotarren birtute ori  
arrigarri ez ote da?  
obrari begiratu zaiogun,  
itzak laga alde batera;  
errespeto onez txapela erantzi,  
gizonak baldin bagera,  
txarrak izanda eztira ekartzen  
nolanai erri aldera,  
lau medallekin, amabi kopa  
eta ogeitamar bandera.
- 10/ Ara Bilbaon nola izan dirán  
uste ez ginduzen ordañak,  
Españiako txapelketa or  
eraman digu Pedreñak;  
beste tokitan ere semeak  
badira amak egiñak,  
itxasoa ta ibaia nunbait  
eztira izaten berdiñak,  
galtzen ere ondo jakin bear du  
irabazitzen dakiñak. (1)

---

(1) "Elustondo — Zarauz" moldiztegiak argitaratutako bertso-papera.

## ERREZIL'KO BILLERA NAGUSIAN

1/ Negu beltzaren ondorenean  
eldu zaigu udaberri;  
txoriak kantuz ari dira ta  
ortara dator Basarri.  
Ni jaio nintzan txoko polit au  
ez al da ba goragarri?  
Baso ta mendiz inguratua  
bera izanik lorategi,  
Ernio zarra bertan dularik  
zaitzale ta gordelari,  
goi gallurrean gurutz donea  
fedearen azalgarri;  
orain artean bezela aurrera  
jarrai zaiogun berari.  
Argitasuna eskatzen diot  
zeruetako Jaunari,  
zintzo ta sendo ekin deiodan  
San Franziskoren gaiari.  
Aundi ta txiki, zar eta gazte,  
gizon-emakumeori,  
lendabiziko biotz-biotzez  
arratsalde on danori.

2/ Milla ta eun geiagorekin  
laroi ta bigarreanean,  
Italia'ko Umbria izenez  
ezagutzen dan sallean,  
Asis deritzan erri polit bat  
mendi baten egalean,  
antxe sortu zan gure Frantzisko,  
antxe, bai, zorionean,  
gure iduzki zoragarria  
Dante baten esanean.  
Gazte-gazterik sutu zitzaigun  
zerutar maitasunean,  
aberastasun pranko izan arren  
aitaren aldamenean,  
danak utzita bizi nai zuan  
pobretasun aundinean.  
Animen alde an ekin zion  
gau ta eguneko lanean,  
iru kibistatiko kordoia  
jantzirik bere soñean...  
zer ikasia badauka batek  
pentsatzen jartzen danean!

3/ Frantziskon aita merkataria zan  
eta diru pranko zuna,  
semea berriz danak utzita  
izan zeiken beartsuna,  
Jesukristoren jarraitzallea,  
txiro guzien laguna,

Salbatzallean bost zauri mingotz  
gorputz berean zituna,  
gogoan baizun Eleiz-arauak  
garbi esaten diguna:

“Anima galtzen dunak zertako  
munduko aberastasuna?”,  
lepradunaren gozatzallea,  
gaxoen alaitasuna,  
arrokerian etsai gogorra,  
bera zan apaltasuna,  
bere burua umil egiten  
ai aren estuasuna!

Ongi dakigu neurri artara  
irixterik ez dagona,  
baña ixpillu ortan begituz  
egin zagun al deguna!

- 4/ Gaur egunean ikusten dana  
apaltasunaren falta,  
alde guzitan arrokera  
zearo jabetu da ta.  
Animalien gisara gabiltz  
anima alde bat lagata,  
geroni ondo izan ezkeru  
bestegatik zer inporta?  
Lagun urkoa al baldin bada  
leize-zuloraño bota;  
gerokoaren ajola gabe  
lur ontarako arreta,

pekatu danak besterentzako  
ta nork bereak gordeta;  
gerra, odola eta lutoa,  
erri ederrenak erreta;  
maitetasuna lurperaturik  
danok gorrotoz beteta...  
Arren, Frantzisko, erruki gutzaz,  
zure premian gaude-ta,  
salbaziorik merezi ez degun  
biotz gogorak gera-ta.

- 5/ Biotza jaso ta Frantziskori  
egin geure eskariak;  
bitartekotzat artzen badegu  
ai zer grazi ugariak!  
Asis'ko eskaletxo apalak  
ain ditu indar andiak,  
larros biurtzen ziran len ere  
arantzak eta sasiak,  
baldin zapaltzen bazitun beintzat  
Frantziskoren aragiak...  
Iru Ordena sortu zituan  
ain santu arrigarriak:  
lendabiziko osa zitunak  
izenez praille txikiak;  
ta Santa Klarak bere eskutik  
artu zituen jantziak;  
azkenik Irugarren Ordena,  
goazen bertara guziak!

Emen arretaz entzuten dira,  
bai, Jaungoikozko berriak...  
iñor bada-ta erantzungo al du,  
noski, Errezil'go erriak!

- 6/ Erruki gutzaz eta zabaldu  
zerutar bendizioak,  
goitar grazitan igurtzi, arren,  
bekoak eta goikoak.  
Zure bitartez bear dana eman  
dezaigula Jaungoikoak,  
laguntza ori eskatzen dizu  
Errezil'go erri sendoak.  
Bedeinka itzazu emengo ibar,  
mendiak eta basoak,  
bedeinka itzazu zelai ta erreka,  
sagasti eta soroak,  
txiro ta aberats, nagusi morroi,  
gaztedi ta gurasoak,  
berdin amaren bular xamurrez  
azten or dauden aurtxoak,  
baratz onetan ez bitez palta  
lore usaintsu goxoak;  
ta gure eriotzako orduan  
luzatu zure besoak...  
Onenbestekin bukatzen dira  
Basarrin gaurko bertsoak! (1)

---

(1) "Aránzazu", 1945/V.

**ERREZIL'KO ERRETORE AGURGARRI  
ETXEBERRIA JAUNARI  
BERE URREZKO APAIZ-EZTEIETAN**

- 1/ Egun aundia gaur Errezill'en,  
zerutar kutsu dun jaia,  
Ernio-peko erriarentzat  
une diztikor, alaia.  
Goitar Jaunari eskeintzen zaio  
intzentsuaren usaia;  
bere ordeko on bat goraltzen  
danok bear degu saia,  
berrogeitamar urte luzetan  
gu zaitu gaitun artzaia.
- 2/ Guztiz bikainki leiatu zaigu  
egitazko onbidetan,  
zenbat poztasun sortu ote du  
premier zeuden animetan.  
Amiltegitik jasoko zitun  
makiñatxo bat bidertan,  
berrogeitamar urte beteak  
aurten Azentzioetan,  
lenengo meza eman zuala  
Azkoiti'ko Brijidetan.

3/ Nere baratzak baldin balitu  
bear diran ainbat lore,  
esango nuke: Auek artzea,  
jauna, egin gaur fabore;  
beorren lana oroituko da  
orain bezela gero're,  
motela naiz ta nik eziñ eman  
merezi ainbat onore  
berrogeitasei urtez danari  
Errezil'go erretore.

4/ Gaurko jaiaren aunditasunak  
ni oso txiki uzten nau,  
emen zaudeten geienen gisan  
lur ontan sortua naiz neu.  
Gure erretore maitagarriak  
lanetik eztu egin barau,  
bataio-bidez egiñak ditu  
milla ta zortzireun kristau,  
ez ote zeukan irabazia  
eskeintzen zaion egun au!

5/ Emen ederki ezagutzen da  
guk ainbat maite degula,  
gure animen zuzendaria  
txit bearreko zaigula.  
Artalde onek aurrerantz ere  
artzai on ori nai dula,  
nik derizkiot Jaungoikoari  
eska bear diogula,  
komeni bada gure artean  
luzaro gorde deigula.



6/ Kontatu eziñ ainbeste dira  
egindako obra onak,  
kristau bidean sartuak asko  
len baztarturik egonak.  
Konfesore on, izlari xamur,  
beti ejenplu sakonak,  
bere urrezko eztei-egunez  
esan ditut bere sonak,  
bertsolariak danen partetik  
damazkio zorionak! (1)

Zarautz 10/IX/1946

---

(1) Bertso-papera, moldiztegiaren izenik gabea, Inazio Zubizarreta'k (Errementeri, Loiola, Azpeitia) eskuratua.

## EUSKAL BASERRIAK ZER DIRAN

Doñua: "Ara nun diran mendi maiteak..."

1/ Euskal baserri aintzagarriak,  
gure oñarri lerdanak,  
zugaitz mardulen babes gozoan  
irriparrezka daudenak;  
gure izkuntzaren gordetzallerik  
bikañen da sendoenak,  
zuentzat dira nigan jaiotzen  
diran bertsorik onenak!

2/ Gure oituren ispillu garbi  
oraindik zuek zerate,  
ala izatea komeni zaigu  
mundua mundu dan arte!  
Ai, arrazaren mendu gordiña  
barrunbe oiek daukate,  
euskal baserri maite, laztanok,  
arren, zutikan zaudete!

- 3/ Zaudete txuri ta irripartsu,  
zaudete goitan bakarti,  
or jaio ziran zarrak bezela  
Jaunari otoizka beti.  
Pakearen da zorionaren  
atsedenezko barruti,  
errietako naspil-zarata,  
bildurgarritik urruti.
- 4/ O, kaletarrok, txapela erantzi  
iñoiz mendira joatean,  
baserri zabal, urtez jantziak,  
aurrez aurre ikustean.  
nik bildur gabe esan nezake  
deadar gozo batean:  
Euskal arrazik ezta galduko  
baserririk dan artean!
- 5/ Baserritatik dute sustraia  
damazkigun abizenak,  
baserritatik iturburua  
erri askoren izenak.  
Baserrietan sortuak dira  
izar dizdiratsuenak,  
Euskalerria zerutarafio  
jaso diguten gizonak.

6/ Soro ta zelaiz inguratuta  
begoz, begoz, dizdiratsu;  
zerutar intzak busti goizean,  
eguardian eguzkitsu.  
Gure asaben seaskak dira,  
Jauna, Zuk ondo dakizu,  
zure maitasun azkengabeaz,  
Jauna, bedeinka itzazu. (1)

Zarautz'en 1946'garren Garagarrillaren bostean.

---

(1) Bertso-papera, moldiztegiaren izenik gabea, ta  
bee-aldean "Guipuzkoako Auzteztitegiaren oparia  
(Caja de Ahorros Provincial)" diona.

"Aránzazu", 1946'ngo. Urria.

"Gernika" aldizkaria, 1949/3/1.

## ERNIO'KO GURUTZ SANTUAREN BABESEAN

- 1/ Parrezka dago; zer du Erniok  
gure mendirik zarrenak?  
gallur gorafio igo zaizkio  
mutikorik bizkorrenak,  
gurutze sendo berdin gabe bat  
bertan zutitu dutenak;  
bijoazkite maitasun eztiz  
nere bertsorik onenak.
  
- 2/ Milla ta bederatzireunekiñ  
berrogei ta zazpi urte,  
egin diteken lanik onena  
gazte batzuk egin dute.  
Sinismenaren indar goitarrak  
emanik ainbat birtute,  
aitondutako Ernio zarra  
jantzi-berritu digute.
  
- 3/ Zer da, kristaubak, gure Erniok  
igaztik duen jazkera?  
bira guzitik begira ondo  
deritzazuten aldera.  
Golgota dakar onek burura.  
gu artzaz oroitzen gera,  
Kristok odola eman zuneko  
aren iduri ber-bera.

4/ Oraindik ere gure salletan  
badira mutil azkarrak,  
lan on bat egin bear danean  
nagi gabeko goiztarrak.  
Oietakoak dira Astiasu  
eta Aia'ko Luistarrak,  
fede-txinpartik degun guztiok  
eman deizkegun eskerrak.

5/ "Izarra bezin garbiak eta  
Ernio beziñ sendoak",  
itz eder oiek ageri ditu  
Luistar bandera Aia'koak.  
Mendi gañetan egitezkerok  
obra era ortakoak,  
derreor izan bear dezute  
izena bezelakoak.

6/ Aia'ko eta Astiasu'ko  
gaztedi zintzo ta piña,  
maitetasunez besarkatuta  
gurutz langintzan ekiña;  
illabete ta erdian zuten  
asi ta buka egiña,  
zer ez gentzake egin kristauok  
ola bilduko bagiña?

7/ Seireun bat kilo burni baditu  
gurutzeak saietsetan,  
amabi metro kubiko arlear  
goi-be aurre ta atzetan.  
Aizeak eztu lurreraziko,  
estu da bere galtzetan,  
berrogei ta sei zakutik gora  
badauzka porlan utsetan.

8/ Arkaitz aundiak tiroen bidez  
an jarri zituzten ernai,  
amabost gizon egunero egun  
gorputzak izerditan blai.  
Ainbat neke ta tratu gogor an...  
alare guziok alai,  
bein asitako lanik etzuten  
bukatu gabe utzi nai.

9/ Santa Ana egunez, gari matxaka  
goruntz jasotzen asirik,  
iya gelditu ziran guziak  
arnas-bideak itxirik.  
Urteko egun beroena zan,  
alako penitentzirik!,  
gurutzeari esker gelditu  
ziran mutillak bizirik.

10/ Olako obrik egingo bada  
arkaitz gallur gogorretan,  
biotzak sendo egon bear du  
fedearen su-garretan.

Aia'ri eta Astiasu'ri  
gelditzen gera zorretan,  
gaztedi orrek egin duena  
ezta ordaintzen urretan.

11/ Orain an dago zutik pozkidaz  
ezaugarri onerako,  
beartasun da premi latzetan  
gertatzen geranerako.

Esker bizi bat ager dezagun  
denok Albistur'ganako,  
gurutz orrentzat bear zan salla  
gogoz eman zuelako.

12/ Dagonillaren azken eguna  
bedeinkazio eguntzat,  
jaialdi aren aunditasunik  
ai, neri ezin aztu zat!

Milla ta irurogei metroko  
arkaitza meza-lekutzat,  
amar bat milla kristau otoizka  
ta zerua tellatutzat.



13/ Aiton zar bati begira gogoz  
luzaro egon nitzaion,  
ta larogei ta zazpi bat urte  
beteta zegola zion.  
“Jauna, esan bezait gaurko gaztedi  
augatik zer deritzaion”...  
Gurutz aurrean belaunikatuz  
negarra irten zitzaion.

14/ Bertsolaririk argitsuenak  
gurutzeari kantuan,  
sermoigille on, iaio bizkor bat,  
bere “pulpitu” altuan.  
Meza-emaleak, ainbat dantzari  
mai santuaren onduan,  
Jaun-artzalleak txandik etzuten  
ematen asi orduan.

15/ Gora Aia'ko ta Astiasu'ko  
gaztedi bedeinkatua,  
illabete ta erdi luzetan  
Kristogatik nekatua!  
Euskaldun denok artu paperak,  
ikas emengo kantua...  
maite biotzez Ernio zarra  
ta here gurutz santua! (1)

---

(1) Moldiztegiaren izenik gabeko bertso-papera.  
(Inazio Zubizarreta, Errementeri, Loyola, Azpeitia)  
“Aránzazu”, 1948, 10.

# IZASKUN'GO AMA

Doñu ontaz puntu luzeko edozein zortziko  
kanta diteke.

The image displays a musical score for the song 'IZASKUN'GO AMA'. The score is written on seven staves of music. The first staff begins with a treble clef, a key signature of one flat (B-flat), and a 5/8 time signature. The melody consists of eighth and quarter notes, with some notes beamed together. The second staff continues the melody. The third staff shows a change in the melodic line. The fourth staff continues the melody. The fifth staff introduces a key signature change to two sharps (F# and C#). The sixth staff continues the melody. The seventh staff concludes the piece with a double bar line.

1/ Biotz gureko Tolosa zarra  
orra apaindurik argiz,  
Ernio'tikan Uzturre'raño  
danak egiten du diz-diz.  
Ta tolosarren lanak neurtzeko  
eztaukat bear ainbat itz,  
Ama maite bat eskertu nai-ta  
asmatu eziñik dabiltz.

2/ Emakumeak beren salletan,  
bestetik gizon-taldeak,  
Amaren larre eztitsu ortan  
jan nai duten artaldeak.  
Gau ta egunezko zeregiña du  
gaur Tolosa'ko jendeak,  
eziñ ordainduz Birjiñagandik  
lortutako mesedeak.

3/ Ikusten dezu, Ama laztana,  
gogoz maite zaituztela,  
ezaugarritzat koroi eder bat  
ezarri nai dizutela.  
Tolosar onak magal goxo ortan  
gozatu nai lutekela;  
aurrerantz ere lagun zaiezu  
orain artean bezela.

4/ Tolosa'k daukan alderdi on au  
ez daukate zenbait errik,  
Ama berekin duten semeak  
ez dira bizi bakarrik.  
Ta... zerutarra izan ezkeru,  
ez dago esan bearrik,  
Bera laguntzat duten artean  
ez dute ezeren beldurrik.

5/ Agorrillaren amaikarekin  
datorkigun zoramena,  
Eleiz Amaren agintariak  
gure lurtean barrena,  
Ama Izaskun'en buruzkundera,  
Birjiniaren gorralpena,  
Tolosa'k ezagutu duenik  
egunik pozgarriena.

6/ Urkizu, Kue, ta zuk, Uzturre,  
makurtu zuen buruak,  
gallurrik gallur Izaskun'era  
egan datoz aingeruak.  
Poztu, Tolosa, jeiki, guziok,  
azaldu esker beruak;  
berdingabeko zuen jai ortan  
jai egingo du zeruak. (1)

---

(1) "La Voz de España", 1949/9/11.  
"Izaskun" Tolosa'ko errebista.

## UDAZKENA

1/ Udararen zai pozik geundenak  
gero naigabetan josi,  
egin dituen kalteak eziñ  
bertsotan adierazi.

Biotz gogorra agertu zaigu,  
ez du eskerrik merezi;  
pardela artuta, agur egiñaz,  
ortxen dijoa igesi.

2/ Au da berari nekazariak  
aurrez esan diotena:  
Lenago alai geunden txokotan  
sortu dezu milla pena.  
Zuk eman dezu eman diteken  
zigorkarik gogorrena,  
zu baño ohea izango al da  
zure urren datorrena!

- 3/ Ondartzak ere bakandu dira,  
len bai beteak zirala!  
bakoitza bere sallera doiaz  
tren zarrak eraman ala.  
Ikusten degu arto-soroak  
urre-kolorez dirala,  
onetxek garbi erakusten du  
udazkenean gerala.
- 4/ Esan bezela, udara gendun  
aiñ maltzur eta traketsa,  
orretxek bota digu lurpera  
udaberriko ametsa.  
Bakoitzak bere soroetara  
begia luzatu beza,  
aurten ganbarak ondo betetzen  
ez daukagu lan erreza!
- 5/ Orain elduko zaizkigu ongi  
ditugun gauza txamarrak,  
arto-babarrun, intxaur da gaztain,  
pikoak eta sagarrak.  
Beren lanetan asiak daude  
gogotsu tolare zarrak,  
penak azteko edan ditzagun  
lendabiziko pitarrak.

6/ Ai, udazkenak zer burutapen  
dakarren nere gogora!  
Zugaitz guziak soilduko dira,  
joan baizan beren denbora!  
Osto igarrak jausiko dira  
jeikiko ez diran zulora,  
gure bizitzen udazkena're  
olaxen etorriko da. (1)

---

(1) "La Voz de España", 1949/9/18.

## EIZTARIAK

1/ Egoizeak aurten indar  
zuen bazterretan,  
amaikak esaten zuen:  
"Segi zak orretan."  
Beren oiak utzita  
neke gogorretan  
eiztariak or zebiltzan  
mendi-tontorretan.

2/ Gaberdirako iyorik  
tokiak artzera,  
beste bat antxe dijoa  
bertan gordetzera.  
"Ni naiz emen lenengoa,  
zu iñor etzera."  
Burrukaldi bat eginda  
sarritan etxera.



3/ "Mendira emanagatik  
makiña bat pauso,  
Pello, aurten ez dakarkik  
iñoiz ainbat uso."

Erantzuna or eman dit  
zakarturik oso:

"Nik bota dizkiat baña  
beste batzuk jaso."

4/ Bakoitzak agertu beza  
nai ainbat iritzi,  
nereari ez iñortxok  
belarririk itxi:

Usoak ez dute aurten  
probetxurik utzi;  
paseak asko dira,  
geldituak gutxi.

5/ Erriko lagun onena  
Pello ori det nik,  
egunero ortxen dabill  
mendira juanik.  
Ez det uste "mustrarako"  
bat bota duanik;  
orrek ekarriak jaten  
ez daukagu lanik. (1)

---

(1) "La Voz de España", 1949/10/30.

## TXISTULARIAK

- 1/ Egun-urratzez kantari dauden  
txoritxoak nork ez maite,  
bizi-pozaren alaitasuna  
adierazten badute?  
Euskalerriko txistulariak  
doai berdiña daukate,  
zuen doñuak belarritara  
zeru-lurruna dakarte,  
gure erritxoen esnatzallerik  
onenak zuek zerate.
- 2/ Entzun dedilla gure errietan  
ta berdin mendi-gañetan,  
jolastu bedi gaztedi dana  
dantza-soñu ariñetan.  
Biarkoari begiratuaz  
norbait utzi ordañetan,  
ta txistuari kontu egiten  
saiatu alegiñetan,  
arnaspiderik dezuten arte  
erabili ezpañetan. (1)

---

(1) "La Voz de España", 1949/12/4.

## BAKOITZARI BERA

1950'garren urteko Maiatzaren 3'an, Españaiko Aizkolari-Txapelketa jokatu zan Donostia'ko zezen-plazan. Txapeldun, Martin Gartziarena gertatu zan. Bigarren, Baleztena. Bi naparrak nagusi. Oien atzetik, Korta ta Arriya, gipuzkoarrak. Basarrik bertso auek biribildu zituan:

- 1/ Joan dan igandez napor anaiak  
Donostiratu ziñaten,  
bai saiatu're Gipuzkoako  
sari danak eramaten.  
Ikusten det nik Leitzalde ortan  
zein pozez bizi zeraten,  
era ontako semerik eztu  
edozein errik ematen.
  
- 2/ Aundi ta txiki mendean ditu  
zuen artzai mutikoak,  
au batez ori aitortzen dute  
ezaguera garbikoak.  
Martiniñen sonak izan ditzen  
txit iraupen aundikoak,  
oraintxen daukan osasun ori  
gorde deiola Jainkoak.

3/ Orren gerri ta beso sendoak  
gaur bai sasoi daukatela,  
esan liteke nekea zer dan  
ezagutzen ez dutela.  
Petxua berriz azken lanetan  
asiera zan bezela,  
ongi merezi dunak jantzi du  
aizkolarien txapela.

4/ Makiña bati gustatu zaio  
zuen gazte lerdan ori,  
kontra zertako egingo zaio  
askoz geiago danari?  
Lan danak bixtan dauden ezker  
berriketan zertan ari?  
Jaunak ortako emana da-ta,  
toki gaztetasunari!

5/ Aizkorarako ez daukazute  
oso jokera baldarra,  
pentsatzen jarri ta... ura bazan  
egurra moztu bearra!  
Bazter guzitan ondo zekiten  
ona zegola naparra,  
bi lenengoak orkoak ziran,  
etzendukaten bakarra!

6/ Korta ta Arriya izanagatik  
guztiz bikote trebea,  
urtien karga astuna da-ta  
gaur zuek jende ohea.  
Gipuzkoako gizatasuna  
nunai mantxarik gabea,  
emen geiago danari beti  
ematen zaio berea. (1)

---

(1) "La Voz de España", 1950/3/14.

## ERNE, BASERRITARROK!

- 1/ Aspaldi ontan era tristean  
bizi da baserritarra,  
eziñak berriz bereak ditu  
mixeria ta negarra.  
Derrior zaude erabaki bat  
lenbailen artu bearra,  
lana gañezka daukazu baña  
irabazia kaxkarra.
  
- 2/ Gure lur auek beti dituzu  
aldapatsu bezin gaitzak,  
lengo xixtimik eztu maitatzen  
gaur eguneko bizitzak.  
Alperrik dira zure labore  
ta zure gari-ereintzak,  
jateko ainbat eztu ematen  
emengo nekazaritzak.

3/ Gauza gutxi da arto-babarrun  
pixketatik datorrena,  
asmo sendo bat artu zazu-ta  
al dezunik azkarrena.  
Zerbait badago gaur baserrian  
ondo ematen duena:  
ganadutara jotzea dezu  
gauzarik onen onena.

4/ Ukulluari begiratzea  
da gaur komeni zaiguna,  
ori baitegu dirurik geien  
inguratuko diguna.  
Esne ona ta aragia da  
ugaldu bear dezuna,  
sinistu gero ortan dagola  
etxeke etorkizuna.

5/ Labore-soro dituzun oiek  
aldatu itzazu belardi,  
irabazia doble daukazu  
ta lenagoko lan erdi.  
Esnea saldu, ta... matarira  
sei-zortzi eramanaldi,  
ontara jotzen dezun unetik  
biziko zera zu ongi.

6/ Alpalpa, paotx edo allubre  
eta belar piñak tarte,  
segi aurrera, ukullutako  
buruak doblatu arte.  
Aproba egin duten guziak  
garbi aitortzen digute:  
bide oneri len ez ekiña  
beste penik eztaukate. (1)

---

(1) Bertso-papera, "Gráficas San Marcial.—Irún"  
moldiztegian argitaratua.



## AMAREN IGOERA ZERURA

- 1/ Zorioneko Urte Santuak  
zenbat pozgarri guretzat,  
ederrik inoiz izan badegu  
juzga genezake edertzat.  
Asegarririk ederrena auxe  
biotz egarberarentzat,  
oberik eziñ autu diteke  
federik degunarentzat.
  
- 2/ Gure barrenak egarriz zeuden  
infolaz neurri ezinda,  
guzion Aitak aseak gaitu  
gure berri bazekin-da.  
Erroman dagon tronu aunditik  
garbi asko itzegin da,  
eunka urtetan egiñ ez dana  
aurtengo onetan egin da.

3/ Ez dakit noiztik irrikitzen zai  
or zegon Euskalerra,  
Amari buruz izan genezan  
bear dan erabakia.  
Gorputz-animaz zeruetara  
igoa zala Maria,  
danok sinisten genduan bafia  
etzan fedeko egia.

4/ Amabigarren Pio izan da  
orretara jarri dana,  
ain bearreko genduen epai  
garrantzizko au emana.  
“Gorputz-animaz goi-ostatura  
igo zala gure Ama”,  
gaur Eleizatik kanpora dago  
ori ukatzen duana.

5/ Euskal saill onek Urte Santu au  
bai bere gogozko dula!  
Mendi abetan nabarmen dago  
poz berezia degula.  
Garbi bizi ta ill ondorean  
goietara jo zendula,  
Zuk badakizu, Amatxo maite,  
lendik sinisten gendula. (1)

---

(1) “Aránzazu”, 1951, 3.

## ITXASOA ASERRE

1/ Bolara ontan arpegi beltzez  
or zabilz ondamenean,  
antsi tristeak eta negarra  
sorturik alde danean;  
ongi dakigu zu bezin onik  
ez litekela onean,  
baña zakarra zera gogotik  
aserretzen zeranean.

2/ Zu txarrerako zauden garaian  
bai errez egin kalteak,  
ezer askorik eztu balio  
zuri kontra egiteak;  
berrogei urtetako langintzak  
minutu baten boteak,  
ez dituzu zuk aintzako artzen  
gizonen lan da nekeak.

3/ Aitortzen degu zeure aldetik  
arrazoi asko dezula,  
zure salletan agindu-naia  
sarritan izan degula;  
Donostin bezin trakets etzaitut  
iñon ikusi sekula,  
beldurtu giñan bein da betiko  
azpiratuko zendula.

4/ Zure mugarik aintzat artu ez,  
or egin degu pekatu,  
gero kastiguz biali dezu  
gugana ainbat olatu;  
inbiri asko degu gizonok,  
Jainkoagatik barkatu...  
oraindik bizi nai genduke ta  
etzaitez ola zakartu.

5/ Ene Kantauri trebe gordiña,  
zuk ez gorrotorik izan,  
adiskidetu zaite berriro  
lo gozoak artu gaitzan;  
euskaldunaren lagun zerala  
mundu guziari esan,  
gure Donosti berdingabeak  
bere sona gorde dezan. (1)

Zarautz, 1951'garren urteko Otsailla.

---

(1) "Gernika" aldizkaria, 15'gn. zenb. 1951, 4-5.

## ZER DA ARANTZAZU?

Zer da Arantzazu?

Beregan zer dun ez dakit baña,  
badu alakoxe zerbait!  
Beste alderdi guzietatik  
berezia irudi zait.

Zer da Arantzazu?

Ez ote mundu baten azkena,  
bestearen asiera?  
Arantzazu'ra igo ezkeroz  
geienok aldatzen gera.

Zer da Arantzazu?

Otoizlarien gordelekua;  
non aukeratu oberik?  
Zeru-izkuntzak an dauka indar;  
besterek ez du sarrerik.

Zer da Arantzazu?

Gure animak zer sentitzen du  
Arantzazu gallurrean?  
Ager lezaken izkuntzik ezta  
oraindik sortu lurean.

Zer da Arantzazu?

Iñigo baten santutasunak  
or zitun lenen txertuak.  
Geroztik zenbat millaka ote  
txertu ortaz indartuak?

Zer da Arantzazu?

Al dakit ba nik, anai maitea!...  
Lurtar batek nola neurtu!  
Amairik ez dun poz-biderako  
lenen bide ori artu!

Zer da Arantzazu?

Alper lana da; nik eziñ esan  
zuri zer dan Arantzazu!  
Zoaz an dagon Amarengana  
ta... Berak esango dizu!

Zer da Arantzazu?

Beregan zer dun ez dakit baña,  
badu alakoxe *zerbait!*  
Beste alderdi guzietatik  
berezia irudi zait. (1)

Zarautz, 6/7/1951

---

(1) "Aránzazu", 1951, 8-9.

## AU PAKEA AL DA?

1/ Noizpait bukatu ziranean bein  
azken gerran erasoak,  
buka zirala uste genduen  
gizarteko arazoak,  
pakea gozatuko zuela  
ondoren mundu osoak...  
toki onean gelditu dira  
orduko amets gozoak!

2/ Ainbat urteko nasketak eztu  
Europa utzi mardula,  
sinistu gero gaur Amerikak  
errukiz mantentzen dula.  
Ez gendun uste ontaratzetik  
gure denboran sekula,  
ta badirudi aundiagoa  
berriz gañean degula.

- 3/ Ainbeste milloi gastatzen dira  
 libretan da dolarretan,  
 armak eginda, armak pillatu,  
 larri dira bazterretan.  
 Nazio danak sartuak daude  
 neurrigabeko zorretan,  
 nolabait lertu bear du onek,  
 ez leike segi orretan.
- 4/ Zazpi balio zuena, orain  
 igo baita amabostera,  
 lanetik bear duena ezin  
 inguratu erostera.  
 Gerra-tronpetik entzungo balitz  
 egun batetik bestera,  
 beste guziak baño lenago  
 bere bizia uztera.
- 5/ Danak alkarren beldurrez daude,  
 ori ez leike ukatu,  
 bi aldetatik gogor dira ta  
 segi indartu ta indartu.  
 Beldurgarrizko arma txar oiek  
 zertarako izendatu?  
 Biziarekin gelditzen danak  
 izango du zer kontatu.



6/ Aurreko mallan zebiltzan aiek  
len istillua zeukaten,  
atzetik lasai bizi zitezen  
beren odola ematen.  
Orduan etzan orain bezela  
“atomikarik” izaten,  
arrixku geien nun legoken gaur  
ezta erreza esaten.

7/ Ikusirikan milloika gorputz  
lurpean sartu zirela,  
millaka erri oraindik ere  
erdibituta daudela;  
beren onera ekartzezkerok  
urteak bear direla...  
zeñek sinistu onen aguro  
ontaratuko giñela!

8/ Maitasun danak uxatu ziran,  
jarri giñan txarrerako,  
gugatik il zan Kristo aretzaz  
beingoz aztu giñalako.  
Au ikusia dago garbiro  
aspaldikoa dalako:  
gizonak bizi geran artean  
gerrarik ezta paltako.

9/ Jaun Zerukoa, Zuk ezagunak  
gaituzu gu betidandik,  
Zureganako itzal apur bat  
lur onek badu oraindik.  
Bere izenez, belaunikatuz,  
otoitz egiten dizut nik,  
komeni bada, laño beltz oiek  
urrutiratu gugandik. (1)

---

(1) "Aránzazu", 1952, 87-88.

## TOLOSA'KO NEURKETA

1955/IV/17'an, apustu latza jokatu zuten Arruiz'ko Txikiak eta Yurrebaso'k: lenengo, zortzi enbor ebaki, ta, ondoren, zortzi kilometro korritu. Arruiz'ko Txikiak irabazi zuan. Apustu orren berri ematen digu emen Basarrik.

1/ Zenbait bertso nai ditut

*Aranzazu'n jarri,*  
bi gazte kementsuren  
izen sendogarri.  
Zabaldu ditezela  
erririkan erri,  
jendeak ikas dezan  
Tolosa'ko berri.

2/ Apirilleko illan  
amazazpia zan,  
bost milla kristau pasa  
Tolosa'ko plazan.

Guzien ezpañetan  
itz bat loratzen zan:  
"Olakorik aspaldin  
ez dek emen izan!"

3/ Bi gazte kementsuak  
elkarri eraso,  
bi azio latzetan  
biurturik otso.  
Goiko malletan jarri  
bear dira oso  
Arruiz'ko Txikia  
eta Yurrebaso.

4/ Egin dutenarekin  
nola ez arritu?  
Lenengo zortzi egur  
sendo erdibitu,  
ta zortzi kilometro  
ondoren korritu...  
Gure lurrak oraindik  
gizonak baditu!

5/ Beren egur gañetan  
aien zirti-zarta,  
eginda utzi dute  
lan bikain, aparta.  
Aizkorari utzita  
erbi gixan salta...  
Etzaiote oieri  
talenturik palta.

6/ Plazan entzuten ziran  
deadar bapoak:  
"Aupa!" Gipuzkuk eta  
"Aupa!" Naparroak.  
Aien beso-gerriak,  
petxu ta zankoak,  
jaiotzatican izan  
nunbait artakoak.

7/ Yurrebaso asi da  
sekulako sutan;  
aren eman bearra  
azpian da puntan!  
Zortzi egur txikitu  
ain epai estutan,  
amabost minutu ta  
segundo batzutan.

8/ Tolosa'n etzegoan  
aizkora bakarra,  
gero plazaren bueltan  
saiatu bearra.  
"Korrika aterako  
diat nik aparra!"  
ori pentsatuz gogor  
ari zan naparra.

9/ Saiatu zan Txikia  
aizkoran gogotik,  
baita ebaki ere,  
bat besten ondotik,  
emeretzi minutu  
baño lenagotik,  
esanaz: "Orain neri  
etzidak inportik!"

10/ Txikiak bukatzean  
aizkorazko lanak,  
bederatzi bat buelta  
besteak emanak.  
Arritu giñan gogor  
begira giñanak,  
zerizkion garaian  
kendu zizkan danak.

11/ Barren borobill artan  
buelta bueltarekin,  
irurogei emanda  
laister ziran berdin.  
Geroxeo Txikiak  
aurrera aldegin,  
gipuzkoar bizkorrak  
eziñ ezer egin.

12/ Ezin jokatu zeiken  
iñor gizonago,  
lan danak egin zitun  
asi ta akabo.  
Galtzalleantzat onra  
besterik ez dago,  
biren artean batek  
bear du geiago.

13/ Bukaera eman zun  
ango apustuak,  
alkarganatu ziran  
mutiko prestuak;  
baita luzatu ere  
alkarri eskuak...  
ola portatzen dira  
kristau legezkuak!

14/ Tolosa'ko plazatik  
ikasbide artu:  
jokatzeko denboran  
gorrotoz jokatu,  
ta geiago danari  
umilki barkatu,  
gero pake santuan  
alkar besarkatu. (1)

---

(1) "Aránzazu", 1955, 6.

## OIARTZUN ZARRARI KANTUZ

1/ Oiartzun maite, emen nator ni  
zu gogotsu aipatzera,  
aztu-eziñak izaten dira  
pizti batzuen antzera.  
Bearturikan bezela gaude  
zuri txapela kentzera,  
Gipuzkoako erri guzitan  
zarrentxoena zu zera.

2/ Plinio batek bere lanetan  
iñoiz aitatzzen zaitu zu,  
aren garaiko idazle askok  
maixu arek bezelatsu.  
Erromatarren kutsuak berriz  
Arditurri'n or dituzu,  
atzo goizeko lore etzerala  
zeuk antzemango diozu.



3/ Kondaira zarrak zutzaz, Oiartzun,  
zenbat daukan esan-naia,  
izan zenduen lurrez aberats  
arkitu ziñan garaia.  
Zureak Ondarrabi ta Irun,  
Lezo bezela Pasaia,  
oraiñ estua etzeran arren  
orduan ziñan lasaia.

4/ Orain bezela, gerrak ugari  
lengo denbora zarrean,  
onez konpondu ezin ziranak  
asten ziran indarrean.  
Ta beti nola izan zeran zu  
mugatik oso urrean,  
odola pranko ixuri izan da  
oiartzuarren lurrean.

5/ Milla ta lareun irurogei ta  
amasei zeritzaiona,  
prantzesak sartu, erria sutan,  
ura zan estuasuna!  
Kixkali zuten eleiz-torrea  
eta barrenen zegona,  
auts biurturik gelditu ziran  
bertan larogei persona.

- 6/ Andikan berreun urte baño len  
berriz or ziñun prantzesak,  
su ta garretan aldatutzera  
zure pakezko ametsak.  
Sarri pagatu izan dituzu  
beste batzuen lañezak,  
zure kalteak zer izan diran  
neurtzen eztaude errezak.
- 7/ Zenbat alditan entzun dezun zuk  
tronpeta zarren orrua,  
zenbat alditan ikusi dezun  
zeure lurra odoldua!  
Arkaitza bezin tinkoa zera,  
ortan dezu anparua,  
“Aitaren” esan baño lenago  
jasotzen dezu burua.
- 8/ Lartaun, Isasa ta Mendiburu,  
eztira joaten burutik,  
zuei laguntzen baitaude beti  
arkitzen diran lekutik.  
Sarri zapaldu nai izan arren  
sendo zaude zu or zutik,  
aurrerantz ere Goitar Jaun onak  
izan zaitzala eskutik. (1)

Zarautz, 16/7/1957

---

(1) Anuario “Oyarzun”, 1957.

## ELGOIBAR LANGILLEARI

- 1/ Ben-benetako adiskideak  
datoz bertso batzun eske,  
ederrik iñoiz asmatzekero  
oraintxe asma litezke.  
Zuri eskeñi nai nik, Elgoibar,  
loretxo bat edo beste,  
alare etzaitut, ez, goralduko  
merezi dezun ainbeste.
  
- 2/ Mendi bikañak or jeiki ziran  
zuri guardi egitera,  
Deba ibaiak bustitzen zaitu  
komeni zaizun aldera.  
Zure semeak nagirik gabe  
emanak daude lanera,  
argatik zoaz gogor indartzen  
egunetik egunera.

- 3/ Lanaren bidez iritxi zera  
guziz gorengo neurrira,  
zure aurreko guraso zarrak  
eztauzkatzu gaur begira.  
Orain larogei urte sartuak  
erri ortan lur azpira,  
zer pentsatuko ote luteke  
herriz piztuko balira?
- 4/ Konturatuta bizi gera gaur  
gipuzkoatar bakoitza,  
txit aldatua dagola lendik  
erri ortako bizitza.  
Industriz lenen mallan zaude ta  
indartsu nekazaritza,  
negarrik ezin jo zenezake,  
Elgoibar, ondo zabilta.
- 5/ Elgoibartarrok deporte-zale  
sutsuak zerate oso,  
ta pelotaren izena ere  
etzenduten gutxi jaso.  
Orko semeak agertzen ziran  
frontoietako guraso,  
Baltasar eta Arriola bat,  
gero Zabala ta Artazo.

6/ Asten zeraten alderdi artan  
beti ortzak erakutsi,  
Aspalditzoko urte auetan  
ezta or azio gutxi.  
Or ainbat sari edo premio  
bestetan eziñ ikusi,  
ostikoketan noiznai zerate  
Gipuzkoa'ko nagusi.

7/ Jarrai, Elgoibar, aurrerantz ere  
frutu bikañak emanaz,  
zure gradurik ez leike artu  
alperkerian egonez.  
Goiko Jaun onak danok beteko  
al zaituzte zorionez,  
anai-arrebok ongi jolastu  
aurtengo San Bartolomez. (1)

Zarautz, 27/7/1957

---

(1) Elgoibar'ko 1957 urteko festa-programatik ar-  
tuak.

## AZPEITI'KO ERRIARI

- 1/ Azpeiti maite, aztu-eziña,  
apalki nator zugana,  
Izarraitz bikañaren oñetan  
zaude gozoro etzana.  
Amaika seme argi ta bizkor  
ezaugarritzat emana,  
munduaren lau egaletan gaur  
sarri aitatzen zerana.
  
- 2/ Zure pozaren aunditasunak  
nolatan mugarik izan?  
Zenbateraño irixten dan nik  
bertsoz ez nezake esan.  
Zuk landutako lur-zati ori  
ain mardula izango zan,  
San Inazio arrigarri bat  
zerbaitegatik jaio zan.

3/ Zure bitartez Euskalerria  
gutziz dago zoriontsu,  
alako seme goragarria  
berari eman diozu.  
Inazio bat aitatzen dunak  
beti aitatzen zaitu zu,  
Zaindari orren babesean zuk  
zeren beldurra daukazu?

4/ Zure semeak zerutar garra  
nunbait berekin daukate,  
zure izena entzungo baita  
mundua mundu dan arte.  
Eta aldaretan ikusi leike  
aguro Anai Garate...  
Oo, azpeitiar biotzekoak,  
inbirigarri zerate.

5/ Mendi bulartsuz inguratuta  
zoriontsu zera guziz,  
lantu jotzeko motibo asko  
eztezu nere iritziz.  
Nekazaritza bikain daukazu,  
indartsu zaude industriz,  
geientsuenak arritzen dira  
gaur zu zerana ikusiz.

6/ Azokaz eta periz etzaitu  
beste erri batek autsiko,  
orko billerak bezin jatorrak  
eztitugu ikusiko.

Gure eskerrona nola eztezu  
zuk, Azpeiti, mereziko?

Euskera zarra gordetzen ere  
zu zera lendabiziko.

7/ Erriko jaitan jolastu danok  
arpegi alai emanik,  
ezta munduan anaitasuna  
menperatuko duanik.

Jarrai aurrera, guraso zarren  
seme leialak izanik,  
etzazutela iñoiz zikindu  
Azpeitia'ren izenik. (1)

---

(1) "Aránzazu", 1957, 9-10.



## PARIS'KO BATZARRA

1960 urteko Maiatzaren 16'an, Paris'en bildu ziran Estados Unidos, Rusia, Ingalaterra ta Frantziako buruzagiak, "lau aundiak" alegia: Eisenhower, Krushev, Mac Millan ta De Gaulle. Bañan egun gutxi zan rusoak, zelatan zebillen amerikano aideplano bat botea zutela. Ori zala-ta, oso aserre ta gogor jardun zan Krushev, eta urrengo egunean etzan biltzarretara agertu. Ala, pakearen alde antolatutako batzarra artan bukatu zan, mundua len baño nastuago ta gerra-bildur geiagorekin utziaz. Onako bertso auek jarri zituan Basarrik:

- 1/ Eman diran pausoak  
danontzat kaltera,  
argitasun aundirik  
ez degu atera.  
Iritxi bearrean  
egizko pakera,  
len baño okerrago  
geldituak gera.

2/ Itxusia benetan  
Paris'ko tratua,  
danori eman digu  
zertzaz pentsatua.  
Itzik txarrenak esan,  
azi gorrotua,  
gizon jakintsuentzat  
zer errespetua!

3/ Batetik Amerika,  
Bestetik Rusia,  
oien artean dago  
ezin ikusia.  
Gañontzeko erriak  
ikara bizia,  
beren kezka baitago  
gaur mundu guzia.

4/ Krushev aritua da  
gogor itzegiten,  
amerikanoeri  
asko utsegiten.  
Konpontzerik etzala  
aurretik zekiten,  
obe zan ortarako  
etxetik ez irten.

5/ Paris'ko batzar orrek  
or egin du pota,  
nunai billa diteke  
ainbat errespeto.  
Ainbeste itz zakar da  
ainbeste gorroto...  
mandazai batzuk mintza  
zitezken obeto.

6/ Batzarrik egin gabe  
utzi dute Paris,  
ez geunden alperrik gu  
pakean egarriz.  
Kopet illunarekin  
modu lotsagarriz  
beren trasteak artu  
ta etxera berriz.

7/ Munduaren auzia  
ezin erabaki,  
itxaropen aundirik  
ezin iñork euki.  
Lenez gain armatuko  
zaizkigu galanki,  
gero zer gertako dan  
Jaungoikoak daki. (1)

---

(1) "Aránzazu", 1960, 7.

## PENTSATZEN ASTEKO ORDUA

Denbora berriak lanketa berriak eskatzen dituzte. Gure ingurura begiratzen badegu, nola kale, fabrika, itxas-ontzi, ostatu, komertzio ta abar, lengo itxura ta arrastorik gabe ikusiko ditugu. Gaurko bizimoduaren moldera jarriak daude danak.

**Baserritarrari ez ote zaio iritxi zerbait pentsatzen asteko ordua?**

- 1/ **Ainbat inbentu ta aurrerapen gizonak sortu ditunak, oietxek dira gure artean artu bear ditugunak. Buruz jokatzuz egin ditzagun etxeko eginkizunak, kontuak ondo ateratzeko eldu zaizkigu egunak, gu bakarrikan al gera beti lo egon bear degunak?**
  
- 2/ **Baserriari etorri zaio berebiziko trantzea, komeni zaigu begietako makar guziak kentzea,**

ikasi bear dana ikasi  
ta asmo sendoak artzea,  
egiten degun lan guziari  
probetxu ateratzea...  
bururik gabe alperrik degu  
gorputza nekatutzea.

3/ Baserritarrok zenbat bentaja  
bear dana ikasirik,  
ematen duan gauzari eldu  
gañontzekoak utzirik.  
Aurrera gogoz, bide onenak  
nun dauzkagun ikusirik,  
lengo martxari jarraitzezkeru  
ezpaitaukagu bizirik,  
lana geiegi egiten da ta  
ez dago irabazirik.

4/ Ondo begira nundik letorken  
onura edo mejora,  
beti azpian egon gabetan  
igo bear degu gora.  
Jakingarriak ikas ditzagun,  
eldu baizaigu denbora,  
berreun urteko xixtima zarrak  
utzi beingoan zokora...  
baserriaren salbazioa  
ortatik etorriko da. (1)

---

(1) "Aránzazu", 1960, 4.

(1963)

## SAN FERMIÑAK

Jendea erruz, noski, Iruña aldean. Entzie-  
rrotako batean kristau odola ixuri. Bi mutil  
gazte zezenak adarkatuak eta oso gaizki gel-  
dituak.

1/ Ara zer diran iñoiz  
gertatzen diranak,  
zezen indartsu oiek  
egindako lanak.  
Oiengana juteko  
gaztien apanak,  
ederki pagatzen du  
deskuidatzen danak.

2/ Sarritan izaten da  
zerbait nobedade,  
pamiliak utziaz  
negarraren mende.  
Nola ibili leiken  
pentsatuaz gaude,  
bizia arrixkatzen  
motiborik gabe.

3/ Zezenaren aurrera  
erdi zoraturik,  
beren sasoi ederra  
ezin domaturik.  
Trago batzuk eginda  
barrena pizturik,  
gazteak ez ikusten  
nunbait arrixkurik.

4/ Kolpe zakarrak eta  
eriotz tristeak,  
batzuk bezela gerta  
ditezke besteak.  
Nola penik eman ez  
ori ikusteak?  
Beste moduz jolastu  
ditezke gazteak.

5/ Aruntz juten bazera  
biar edo etzi,  
zer arrixku daukazu  
pentsa lendabizi.  
Zezenari al bada  
bere kasa utzi,  
animali oiekin  
berriketa gutxi.

6/ Zentzunik etzazula  
anquetara bota,  
buruz jokatuarren  
naiko lan dago-ta.  
Burrukan egin gabe  
zezenaren kontra,  
zenbat urte dauzkagu  
geienera jota? (1)

---

(1) "Zeruko Argia", 21'gn. zenb. 1963/7/21.



## NAPARROAKO ANAI BERTSOLARIEI

1963'ngo Azaroaren 17'an Iruñe'ko Teatro Gayarre'n Naparroako Bertsolari-Txapelketa ospatu zan. Ori zala-ta onako bertso auek moldatu zituan Basarrik:

- 1/ Besarkada bat biali nai det  
Naparru'ko anaitara,  
illunpe beltza alde bat utziz  
irten dira argitara.  
Lenago aintzat artzen etzana  
Teatro ederretara,  
bertsolaritza orain igo da  
merezi zuen mallara.
  
- 2/ Ene Naparru maitagarria,  
bide orri gogoz ekiñ,  
etzaitezela erabat aztu  
lengo oitura ederrekiñ.  
Ta, zuek, anai bertsolariok,  
al dezuten dana egiñ,  
gure izkuntza berdin gabea  
berriro bizkortu dediñ.

3/ Teatro eder zoragarrian  
gure mintzaira gozoa,  
ate guziak ondo zabalduz  
barruratu da bertsoa.  
Derrior batek izan bear zun  
zuetan aurrenekoa,  
etzaitezela batere estutu,  
ori da gutxiñekoa!

4/ Gure izkuntza mendietara  
uxatua zegon lendik,  
ito etzediñ aldegin zuen  
erri aundien barrendik.  
O, Naparruko bertsolariak,  
txalo jotzen dizutet nik,  
zuek azaldu dezute ondo  
bizi gerala oraindik. (1)

---

(1) "Zeruko Argia", 39'gn. zenb. 1963/11/24.

## EUSKAL PESTAK?

1/ Ordua bada, nere ustetan,  
jendea kontura dediñ,  
bururik gabe jokutzen danak  
gauza onik ezin egiñ.  
Gazte askoren jokabidea  
etzait izaten atsegiñ:  
euskal jazkerak artu soñean  
eta erderaz itzegiñ.

2/ Euskaldun eran ibili bear  
euskal pesta egiteko,  
bada garaia pausoa nora  
ematen dan jakiteko.  
Zentzu gabeko buru-ariñik  
iñoiz eztegu maiteko,  
euskal jazkera bearrik ezta  
erderaz itzegiteko.

3/ Abarkak eta bruxa jazteak  
zerbait eskatzen du gero,  
zertako ditu, erderaz ari  
baldin bada bero-bero?  
Batek azaldu bitza gorbata,  
lebita eta sonrero,  
neretzat ura euskaldunena  
euskeraz egin ezkerro. (1)

---

(1) "Zeruko Argia", 73'gn. zenb. 1964/7/19.

## BIDEETAKO KONTUAK

Illak eta zaurituak erruz. Kamioak odol-putzu biurtu zaizkigu. Txalogarri ez diran jokabide batzuk agertzen dizkigu Basarrik.

- 1/ Bideak bete dira  
zearo goi ta be,  
etxetik aterako  
ezpagaña obe.  
Bazterretan ainbeste  
asta-kerten daude,  
eztago ibiltzerik  
arrixkurik gabe.
  
- 2/ Presaren presaz askok  
or artzen dute su,  
beste batzuk geiegi  
edanda dauzkatzu.  
Asta-kerten oker bat  
gertatzen bazaizu,  
zeu zuzen ibiltzeak  
zer balio dizu?

3/ Neskatxa bat alboan  
jarria neurrira,  
mutilla erdietan  
berari begira.  
Esku bat bolantera  
bestea gerrira...  
orrelakoak ere  
gaur ugari dira.

4/ Gazteak diralako  
ariñ eta alai,  
esan leike zartzerik  
ez ote duten nai.  
Nai ta ez oker asko  
gerta bear nunai,  
beurak arrixkuan da  
besteok ere bai.

5/ Ill eta zaurituak  
or daude pilletan,  
negarra pranko bada  
gaur familietan.  
Kontu berdiña dago  
alde guzietan,  
gerran baño geiago  
galtzen da bidetan.

6/ Eziñ asi diteke  
oñez edo zaldiz,  
pobrentxoena ere  
katxarrota gabiltz.  
Pentsatzen egoten naiz  
amaikatxo aldiz:  
Urbia'ko artzaiak  
lasaiago dabiltz.

7/ Aurreratuak gaude  
gure kalterako,  
eriotzaren billa  
geu gabiltzalako.  
Gaitz bat agertu zaigu  
mundu danerako,  
zoro geiegi gaude  
gauza onerako. (1)

---

(1) "Zeruko Argia", 75'gn. zenb., 1964/8/2.

## ITURRIOTZ'KO SEGA-APUSTUA

1964'ngo Agorraren 27'an sega-apustua izandu zan Iturriotz'ko barrutian. Amabi milla euskaldunetik gora bildu ziran. Zarautz'ko Zulaika ta Aburuza oiartzuarra ziran segalariak. Ordu biko lanean bururik jaso gabe aritu ziran. Denborak bukatu ziran, amabi kiloren alde besterik ez bategatik bestera. Zulaika'k: 8.744 kilo ta erdi belar ebaki zituen; Aburuza'k 8.732 kilo ta erdi.

Biamamonean Donosti'ko erradiotik segalari bien gorantzan Basarrik kantatu zituen iru bertsoak dijoazkitzute. Iparragirre'ren bozean antolatuak daude:

1/ Ainbeste milla persona giñan  
arreta biziz egonak,  
aitamen paltik eztu izango  
egin dezuten lan onak.  
Zulaika ta Aburuza,  
esku zar oiek luza...  
zuek zerate gizonak!  
Erradio onen bitartez artu  
biok nere zorionak



2/ Bururik jaso gabetandik an  
bi ordu luze lanean,  
amabi kilo belar xixtriñen  
aldea zan azkenean.  
Guk ikusitakoa  
ezta sinistekoa,  
Jainkoaren izenean,  
biok gelditu zerate atzo  
mallarik altuenean.

3/ A zer billera zoragarria  
gendun atzo Gipuzkoan,  
amabi milla euskaldun jator  
bildurik mendi kaskoan.  
Segalari maiteak,  
almen aundiz beteak,  
segi bide legezkoan,  
Jaun Zerukoa, gorde itzazu  
biak urte on askoan. (1)

---

(1) "Zeruko Argia", 85'gn. zenb., 1964/10/11.

## EDERKI KOSTATA!

- 1/ Dana egiña, uste du askok  
kanpoetara joanikan,  
txarra probatu arte eztegu  
aintzakoz artzen onikan.  
Edozeñentzat ezta egiten  
modu ortako lanikan,  
ez gero pentsa ango bizitza  
txantxetakoa danikan.
  
- 2/ Ain urrutira ezta joan bear  
errez ibili usteta,  
bizimoduak berekin ditu  
aldapak eta nasketa.  
Diru pixka bat egingo dute,  
arritzekoa ezta ta,  
baña gorriak pasa ondoren  
eta ederki kostata.

3/ Batzuek ondo ikuste ori  
oso da gauz atsegia,  
an eta emen danok eztegu  
egokiera berdia.  
Egi biurtzen zaill izaten da  
aurretik amets egia,  
makiña bati damutu zaio  
lur ontatik aldegia.

4/ Intxaur beteak arki ustetan  
zenbat or naigabetuak.  
arpegi beltzez ikusten dira  
erabat asarretuak.  
Denbora joanda alperrik dira  
negarrak eta lantuak,  
pauaso luzerik eman baño len  
ondo atera kontuak.

5/ Zenbaiten diru mordoxkak dira  
izerdi asko kosteak,  
etorri nai ta ontziarentzat  
osa eziñik besteak.  
Aurretik jakin guzia ondo,  
o biotzeko gazteak,  
eztu balio Euskalerrria  
edozein moduz uzteak.

6/ Sorterria da geienentzako  
danen gañetik dagona,  
seme on bati babex goxorik  
ukatuko eztiona.  
Ta kristauari pentsamentu au  
etorri bear zaiona:  
diru bakarrak eztula egiten  
gizonaren zoriona. (1)

---

(1) "Zeruko Argia", 91'gn. zenb., 1964/11/22.

## “HERRIA” ASTEKARIARI

(“Herria” astekariak bere ogeigarren urtea  
bete zuanean)

1/ Agurtzen degu mugaz aruzko  
euskaldun astekaria,  
opa diogu izan dezala  
arnasbide ugaria.

Ogei urtera iritxi zera,  
ori berri pozgarria!  
Lanik txarrenak egin dituzu,  
aurrera beti “Herria”!

2/ Ogei urtean une txar asko  
pasa bearko zenduten,  
alare jakin dezute zuek  
noiznai gizon erantzuten.  
Danen gogoa betetze ori  
a zer lan txarra dezuten!  
Etzuen bete Jesusek ere  
ta gurutzean il zuten.

- 3/ Noizik eta bein kankatekoak  
sentituarren buruan,  
kokildu gabe iraun dezala  
bakoitzak bere lekuan.  
Asmo zuzenez ekin lanari  
oraiñ arteko moduan,  
esker oneko euskaldun asko  
dago oraindik munduan.
- 4/ Geldi-unerik ez beza izan  
bein asi zenduten lanak,  
denbora onak eta ekaitzak  
guretzako daude danak.  
Asko baitira ezertxorekin  
kontentatzen ez tiranak,  
arantzak beti arkitzen ditu  
arros billa dijoanak.
- 5/ Ez begiratu eskubira ta  
ez begira ezkerrera,  
ori dala-ta gure izkuntza  
ez uxatu bazterrera.  
Gizatasunez jokatu beti  
guraso zarren legera,  
egizko euskal sukaldetan zuk  
izango dezu sarrera. (1)

---

(1) "Zeruko Argia", 95<sup>o</sup>gn. zenb., 1964/12/20.

## URTE BERRIA BADATOR!

(1965'ngo urtearen sarreran)

- 1/ Denborak beti aurrera gogoz,  
iñoiz egin gabe opor,  
urteak herriz bizkar gañean  
osa dituzte lau tontor.  
Lenengo zarra agurtu zangun  
errespetuz eta jator,  
or, irakurle biotzekoak,  
Urte Berria badator!
  
- 2/ Beste urte bat geiago bada  
itzalia edo illa,  
orren aurretik joanak badira  
nik eztakit zenbat milla.  
Etenik gabe dabill gizona  
zorion betean billa,  
len pasatako guziak baño  
obea izan dedilla.

3/ Zure zai geunden itxaropentsu,  
amets gozotan beterik,  
ez genduke nai ala egona  
gero pena izaterik.

O, Urteberri, ez ekarri zuk  
iñorentzako kalterik,  
asmo oneko gizon artean  
ez bedi palta pakerik.

4/ Lanari ekin trebe ta sendo,  
euskaldun maite zintzoa,  
bakoitzak egin bearra dauka  
al duen alegintxo.

Urte oneri buka baño len  
jarrita daukan plazioa,  
ea pixka bat xuxpertzen degun  
gure izkuntza gaxoa.

5/ O, Urteberri, azaldu zaite  
egizko gure laguna,  
alperrikako izan eztedin  
bakarka batzun jarduna.  
Ezta zillarra edo urrea  
guk eskatzen dizuguna,  
euskera degu oraingoz kezka  
geien ematen diguna. (1)

---

(1) "Zeruko Argia", 96'gn. zenb., 1964/12/27.



## “ZERUKO ARGIA” ASTEKARIARI

(Astekari onen eungarren zenbakian)

- 1/ Zure argiak diztiratzen du  
lendik illun zegoena,  
ale bakarka asi zifian da  
auxe dezu eungarrena.  
Gogorki zoaz bide urratzen  
Euskalerrian barrena,  
pasa dezula esango nuke  
aldaparikan txarrena.
  
- 2/ Guk nai genduken edertasunik  
ezin osatu sekula,  
orretarako sinistu danok  
lagundu bear degula.  
Nik ondo dakit oraindik ere  
akats askotxo dezula,  
seguru nago denborarekin  
zuzenduko dituzula.

3/ Zuri eskerrak moldezko letran  
or dabill gure izkera,  
zabaltzen ere gogor ari da  
etxe batetik bestera.  
Asieratik agertuarren  
lotsati ta buruzpera,  
sendotzen eta bikaintzen zoaz  
orain astetik aстера.

4/ Asieratik, askok bezela,  
lan egin zendun galeran,  
oraindik ere, zoritxarrean,  
bajutxo zaude aukeran.  
Bein zabaldu ta ezagutzean  
zuk merezi dezun eran,  
gure Jainkoak bakarrik daki  
nora iritxiko zeran.

5/ Zure moduko asteroko bat  
bear gendun lur onetan,  
gure izkuntza tokirik gabe  
gaizki zegoen benetan.  
Argi egiten saia zaite zu  
al dezun etxe danetan,  
illunzaleak diranak geldi  
ditezela illunpetan.

6/ Euskaldun maite, ikus nai zaitut  
zeruko argiz jantzia,  
ango Jabeak eman bekigu  
premizko degun grazia.  
Itz laburretan agertzen dizut  
opa dizudan guzia,  
gure lurrean izan zazula  
gizalditako bizia. (1)

---

(1) "Zeruko Argia", 100'gn. zenb., 1965/1/24.

## GEZALTA'KO AITONA ZANARI

- 1/ Agur dagizu, jauna,  
gaur bertsolariak,  
azken tanta eman du  
zure iturriak.  
Betiko ezpaigera  
onuntz etorriak,  
eriotzak ebaki  
bizitz-lokarriak...  
asko naigabetu nau  
zure ill-berriak.
  
- 2/ Zuk goraltzen zenduna  
bizimodu latza,  
aurreko gurasoak  
zeruraño altza.  
Gaurko gaztediantzat  
naikoa garratza,  
pentsatua esaten  
bazenduen gatza:  
zuriari zuria  
ta beltzari beltza.
  
- 3/ Sarri begiratzen det  
nik zure lanetan,  
garbi asko baitaude  
moldezko letretan.

Ainbat bertso egiña  
zu azken urtetan,  
batzuk gertatuarren  
geronen kaltetan,  
egi galantak ere  
badaude tartetan.

4/ Sarri agertzen ziñan  
mikatz eta gazi,  
bazterrak astintzeko  
bazenduen grazi.  
Euskaldun jaio ziñan,  
beti ala bizi,  
euskeraz aldendua  
emendik igesi,  
zugandik badaukagu  
ortan zer ikasi.

5/ Gizon osoa ziñan  
ta ez gizon laurden,  
egiak esateko  
beti gertu zeunden.  
Ortarako bazendun  
koraje ta kemen,  
neke gogorra pranko  
artua zu emen,  
izan zazula orain  
betiko atsedan. (1)

---

(1) "Zeruko Argia", 112'gn. zenb., 1965/4/18.

## MONDRAGONES ZANARI

Doñua: "Txarmangarria zira..."

Euskalerra guziak dakiana, Mondragones iñoiz izan dan pelotaririk onenetako bat genduan. Juan Bautista Azkarate zeritzan. Mondragoe'n jaio zan, 1891/VII/24'an. 1917 urtean irabazi zuan txapela, ta bai gorde ere amar urtean, Atano Irugarrenarekin galdu zuan arte. 1965/IV/11'an utzi zuan mundu au. Il-berria jakitean, bertso auek jarri zituan Basarrik:

1/ Berri txar bat zabaldu  
aiñ indar aundiko,  
illundu gaitu danok  
kale ta mendiko.  
Lagun zarra eztegu  
berriz ikusiko,  
Mondragones aundia  
joan zaigu betiko.

2/ Urte askoz izana  
plazetan errege,  
zure sasoia nola  
ezkutuan gorde?  
Juan Bautista, etsiko  
al degu zu gabe?  
Pelotazale danok  
luto beltzez gaude.

3/ Jotzalle gogorra zu  
beñ emen da beñ an,  
indarrak errendituz  
nai zendun tamañan.  
Zuri begira sarri  
zoratuak giñan,  
on asko dira baña  
zu aparta ziñan.

4/ Plazan agertzen ziñan  
lerden eta eder,  
bapo zaitzen zenitun  
zabal eta bazter.  
Zu pelotan ikustez  
ezin zeiken asper.  
berdiñ berdiñak ziñun  
eskubi ta ezker.

5/ Onenak jartzen ziran  
beti zure kontra,  
bestela burutzerik  
etzan izango ta.  
Sei kuadrotan artuta  
bertaraño bota,  
ala ibiltzen zan zuk  
jotako pelota.

6/ Beldurgarriak ziran  
zure erasoak,  
zutik txalotzen ziñun  
jendetza osoak.  
Ematen zenitunak  
zer pelotazoak!  
Arraun bi ziruditen  
zure bi besoak.

7/ Iñoiz etzenduen zuk  
eskutako miñik,  
zugandik etzegoen  
kolpe txar ariñik.  
Kontrarioak beti  
ler gaizto egiñik,  
atzeko pelotarik  
eraman eziñik.



8/ Argi ditziratsu zu  
izarren antzera,  
eriotza eztator  
dana itzaltzera.  
Gorputza sartuarren  
lur azpi otzera,  
pelotarik dan arte  
zu biziko zera.

9/ Bazeundeke gustora  
egindako lanez,  
etzera zu aztuko  
itxura dagonez.  
Arro gaude zuk utzi  
dezun izen onez,  
gizalditan entzungo  
baita Mondragones.

10/ Adiskide maitea,  
zuk ordua bete,  
agur, lagun Bautista,  
agur, Azkarate.  
Ainbat neke artua  
emen zihan arte,  
betikotasunean  
atsedendu zaite.

11/ Plazetan zun guzia  
zintzoki emana,  
maltzurkeriz gordean  
ibiltzen etzana.  
Eskari au datorkit  
orain zuengana,  
erreza zaiozute  
Aita Gure bana.

12/ Garai batez pelota  
aretxek errez jo,  
mugaren bi aldetan  
zan danen gogozko.  
Pelotak artu dezan  
indar egitazko,  
ai sortuko balira  
Mondragones asko! (1)

---

(1) "Zeruko Argia", 113'gn. zenb., 1965/4/25.

## IKUSTEN DIRANAK

- 1/ Begira iñoiz egon izan naiz gauzak ezin sinisturik, askon gorputzak ikusten dira eguzki galdaz bezturik. Animalien gisara dabiltz errespetoak azturik, zer jaten duten eztakit baña jazten eztute gasturik.
  
- 2/ Erropen etsai agertzen dira gaur eguneko gazteak, iñori kezka gutxi ematen dio itxuran jazteak. Uda-giroak bezelakoak baldin balira besteak, laister lirake kolperik gabe jostunak eta sastreak.

3/ Nabarmena da zertarako dan  
askon erropa kentzea,  
ondar gañean jartzen zaizkigun  
postura ortan jartzea.  
Oien asmoa ezta bafiatu  
ta eguzkia artzea,  
buruan duten amets bakarra:  
jendeak begiratzea.

4/ Loreak gauza gutxi bear du  
edertasuna galtzeko,  
gure lurreko jun-etorriak  
lore gaxoen antzeko.  
Aragi oiek zer bear dute  
berriro uts biurtzeko?  
Zeiñ buru arin ergelak geran  
ortaz ez konturatzeko! (1)

---

(1) "Zeruko Argia", 123'gn. zenb., 1965/7/4.

## “ERREZILL” BERTSOLARIA

Juan Eizmendi, “Errezill” bertsolaria, Errezill'en jaioa zan 1917 urtean. Ortik zertorkion izengoitia. Bañan bere denborarik geiena Lapurdiko Urruña'n egin zuan. Igazko Agorrillan il zan, min biziaz joa, 47 urterekin, Urruña'n. Elisabeth Mocerrea, bertako alabarekin ezkondua zan. Sei seme-alaba utzi ditu. Buztingorri deritzaion etxean bizi zan. Argiña zan ofizioz. Il-berria jakitean, onako bertso auek moldatu zituan Basarrik, lagun da erritarra zuan bertsolariaren oroimengarri:

- 1/ Egun-urratzez lengo zugaitza  
mutu ikusten diat nik,  
etzoek lengo “txioka” otsik,  
ez lengo alaitasunik.  
Iñoiz aspertzen ez intzan txori  
urretxindorra izanik,  
nork uste bear zian aifñ azkar  
ezkutatuko intzanik?

2/ Illun da trixte gelditu gaituk  
ire lagun on giñanak,  
mutu ta bakar dagon zugaitzez  
ainbat oroitzen geranak.  
Bukatu dituk ire samiñak,  
ire neke ta lan danak,  
kantatu dituk mundu onetan  
kantatu bear ziranak.

3/ Gure begiak ez aute berriz  
lur gaiñ ontan ikusiko,  
lengo erara alkar tentatzen  
ez gaituk emen asiko.  
Gure Jainkoak ez indukan i  
bazter batera utziko,  
guretzat toki on bat gertu zak  
biar ezpada etziko.

4/ Gure artetik goruntz baziak  
amaikatxo otoitz ixill.  
gorputzez ezkutatuagatik  
espirituz urre abill.  
Beti gogoan izango augu,  
i guretzako ez aiz ill;  
Egun Aundia datorren arte  
agur, lagun zar "Errezill"! (1)

---

(1) "Zeruko Argia", 139'gn. zenb., 1965/10/24.

## AITA SALBATORE MITXELENA ZANARI

Aita Salvatore Mitxelena frantziskotarra Zarautz'ko Etxebeltz baserrian jaio zan 1919/I/18'an. 1943 urtean egin zan apaiz Arantzazu'ko konbentuan. An eta emen argitaratutako olerkiak ez-ezik, lau euskal liburu eder idatzi zituan: "Arantzazu Euskal Poema" (1949), "Ama-Semeak Arantzazuko Kondairan" (1951), "Arraun ta Amets" (1956), eta "Unamuno ta Abendats" (1956). Ameriketan zenbait urtetan apaiz-lanetan jardun ondoren, Suiza'ra igaro zan, eta bertan il zan, 1965/XII/20'ean.

- 1/ Negu-sarreran berri txar batek  
mindua du Euskalerra;  
mantu beltzetan jantzi zaitezte  
Urbia eta Aitzkorri!
- 2/ Zuen maitale sutsua berriz  
etzaizute urbilduko,  
zuen altzoan poema-gairik  
ez du berriro bilduko.

- 3/ Arantzazu'ko Ama maitea,  
zeu al ziñan aren eske?  
Zure gogoa al zan, biurtu  
zedilla zerutar gazte?
- 4/ Lurreko kantu eztiñ danak  
zuri eskeñi dizkizu,  
betikotasun osoan orain  
kantuz or ariko zaizu.
- 5/ Euskal baratzak zuen lorarik  
usaintsuenetakoa,  
negu-sarreran esku on batek  
goruntz eramandakoa.
- 6/ Zertan ukatu, Ama maitea,  
utzi digun utsunea?  
Bearrekoa genduan, ustez,  
oraindik zure semea.
- 7/ Euskalerriak eta euskerak  
abe sendo bat galdua,  
Salbatorentzat goiz iritxi da  
munduko azken ordua.
- 8/ Maiteak iges egin dio ta  
alargun gaur Arantzazu,  
il-kanpaiaren jardun geldia  
belarritan burrundatsu.



- 9/ Kendu txapela, euskaldun maite,  
toki eman otoitzari,  
galdu deguna Goietan dedin  
zerutarren bertsolari!
- 10/ Negu-sarreran berri txar batek  
mindua du Euskalerra;  
mantu beltzetan jantzi zaitezte  
Urbia eta Aitzkorri! (1)

---

(1) "Zeruko Argia", 149'gn. zenb., 1966/1/2.

## ORAINDAÑOKO LIBURUAK

1. *R. Artola*: SAGARDOAREN GRAZIYA ta beste bertso asko (*Aitua*).
2. *M. Soroa*: GABON, AU OSTATUBAI, ANTON KAIKU. (*Aitua*).
3. *F. Apalategui, S.I.*: EUSKAL MUTILLAK ARMETAN, I.
4. *Pepe Artola*: USTEZ LAGUNA DETAN ta beste bertso asko.
5. *P.M. Urruzuno*: EUSKALERRITIK ZERURA ta beste bertso asko.
6. *Toribio Alzaga*: RAMUNTXXO.
7. *Ramos Azkarate*: GALTZAUNDI ta beste bertso asko.
8. *Antero Apaolaza*: PATXIKO TXERREN.
9. *Bitoriano Iraola*: OROITZAK ta beste ipui asko.
10. *Bertsolariak*: ERREGE EGUNEKO BERTSO SAYOA (1962) (*Aitua*).
11. *Piarres Larzabal*: BORDAXURI (*Aitua*).
12. *Bilintx*: BERTSO TA LAN GUZIAK.
13. *Mariano Izeta*: DIRUA GALGARRI.
14. *Piarres Larzabal*: IRU ZIREN.
15. *Bertsolariak*: EZKONTZA GALDUTAKO BERTSOAK, I.
16. *Alfonso M.\* Zabala*: GABON GAU BAT ta beste ipui asko.
17. *Antonio M.\* Labayen*: MALENTXO, ALARGUNI
- 18-19. *Antonio Zavala, S.I.*: TXIRRITA (*Bizitza ta bat bateko bertsoak*).
20. *Franzisko Gofñ, S.I.*: LURDESKO GERTAE-RAK.
21. *Piarres Larzabal*: HERRIKO BOZAK edo NOR ALKATE.
22. *Bertsolariak*: BERTSOLARIEN TXAPELKETA (30-XII-1962).
23. AIZKOLARIAK ta beste ipui asko.
24. *Fermin Imaz*: BERTSO GUZIAK.
25. *A.P. Iturriaga*: JOLASAK.

26. *Alfonso M.<sup>o</sup> Zabala, A. Larraitz, Juan Mir*: PE-RIYAREN ZALAPARTAK.—Melitona'ren bi senarrak.—Mendibe'tarren larriyak.—Utzi bearko! —Gizon bikañak.
27. *Bertsolariak*: AZPEITIKO PREMIYOAREN BERTSOAK.
28. *Bizenta A. Moguel*: IPUI ONAK.
29. *Toribio Alzaga*: BURRUNTZIYA.—Bernaiño'ren larriyak.—Txibiribiri.—San Tomas'eko feriya.
30. *Graziano Anduaga*: EGUNSENTIKO TXORIA ta beste bertso asko.
31. *M. Soroa*: BARATZAN.
32. *Mikela Elicegui, Antonio Zavala, S.I.*: PELLO ERROTAREN BIZITZA, bere alabak kontatua.
33. *Mikela Elicegui, Antonio Zavala, S.I.*: PELLO ERROTAK JARRITAKO BERTSOAK.
34. *Piarres Larzabal*: SENPERE-N GERTATUA.
- 35-36. *J. V. de Echagaray*: FESTARA.
37. *Agustin Cardaberaz, S.I.*: EUSKERAREN BERRI ONAK.
38. *Sebastián Salaverría*. NERONEK TIRAKO NIZKIN.
39. *Bertsolariak*. AMAR URTEKO BERTSO-PAPE-RAK.
- 40-41. *Jose Ramon Zubillaga*: LARDASKETA.
42. *Uztapide*: NOIZBAIT.
43. *Bertsolariak*: BERTSOLARIEN TXAPELKETA (1-I-1965).
44. *Piarres Larzabal*: HILLA ESPOSATU.
- 45-46. *José María Satrústegui*: BORDEL BERTSULARIA.
47. *P.M. Urruzuno*: IRU ZIRI.
48. *Pedro Barrutia, Sor Luisa, Xabier Munibe*: TEATRO ZAARRA.
- 49-50. *Antonio Zavala S.I.*: PELLO ERROTAREN ITZALA.
51. *P.M. Urruzuno*: UR-ZALE BATEN IPUIAK.
- 52-53. *Graziano Anduaga*: BERTSO-BILDUMA.
54. *Antonio Zavala, S. J.*: PERNANDO AMEZKETARRA BERTSOLARIA.
55. *Basarri*: LAUGARREN TXINPARTAK.

